



LJETOPIS





Mr. Mustafa Hasani  
Firdevsa Jelovac

## LJETOPIS FAKULTETA 2006. GODINE

Ovaj ljetopis obuhvata period cijele protekle 2006. godine.<sup>1</sup> Pored niza brojnih aktivnosti s pravom se može istaći da je jedan od naznačajnijih momenata u ovoj godini početak realizacije plana o pokretanju novog smjera za imame, hatibe i muallime. Ovim Fakultet pokazuje vlastite nastavne i druge akademske kapacitete da iznesu ovako značajan projekat, a sa druge strane, pokazuje svoju akademsku zrelost i fleksibilnost da na društvene izazove i potrebe odgovara primjereno svojoj zadaći.

---

<sup>1</sup> Autori se posebno zahvaljuju na pruženim informacijama i pomoći sekretaru Fakulteta Emini Muderizović i gosp. Halimi Skender iz Studentske službe Fakulteta, a zatim i doc. dr. Enesu Ljevakoviću, doc. dr. Zuhdiji Hasanoviću, mr. Zehri Alispahiću, mr. Asimu Zubčeviću i članovima Redakcije *Zbornika radova FIN-a*.

## **NOVI SMJER U AKADEMSKOJ 2006/2007. GODINI**

Akadske 2006/2007. godine na Fakultetu je, pored postojeća dva smjera, teološkog i smjera religijske pedagogije, počeo sa radom treći smjer za imame, hatibe i muallime. Pokretanje ovoga smjera je rezultat potrebe IZ-e za odgojem i obrazovanjem imama, hatiba i muallima, za njihovom primjerenijom stručnom i profesionalnom osposobljenošću. Od školske 2005/06. godine svršenici medresa više u svojim diplomama ne dobivaju zvanje imam-hatib-muallim. Novopostavljeni imami sada su, do završetka Fakulteta, u statusu zaposlenika na "određeno vrijeme". Vjersko-prosvjetna služba Rijasetu, u skladu sa sjedničkom odlukom Rijasetu i navedenim tendencijama reforme sa dugoročnim pozitivnim posljedicama, izradila je novi Nastavni plan i program za medrese koji je u primjeni od školske 2004/05. godine. Imajući na umu važnost uloge imama, hatiba i muallima u Islamskoj zajednici, a shodno zaključku Rijasetu Islamske zajednice, Fakultet islamskih nauka je od navedenog datuma pristupio izradi prijedloga Nastavnog plana i programa za studijski smjer imama, hatiba i muallima u okviru ovog fakulteta.

Ove akademske godine počelo se sa realizacijom tog programa. Na prvu godinu trogodišnjeg studija, koliko on traje, na ovom smjeru upisano je ukupno 181 student, od čega 13 redovnih i 168 vanrednih. S obzirom na specifične potrebe, nastava je organizirana u tri grada u BiH. Dislocirana nastava se obavlja u Tuzli i Bihaću za potrebe imama sa područja tih muftiluka i u Sarajevu za potrebe studenata/imama sa područja ostalih muftiluka. Ovom shemom organiziranja nastave željelo se maksimalno izići u susret imamima uvažavajući prirodu njihovog posla, tako da nastavnici dolaze u navedene gradove radi održavanja nastave.

Mr. Mustafa HASANI i Firdevsa JELOVAC, Ljetopis Fakulteta 2006. godine

Kako je ovim novim smjerom povećan fond sati i sedmično opterećenje nastavnika, a i radi potrebe uvezivanja nastavničkog kadra kojeg IZ-a ima, Fakultet je ponudio nastavnicima sa drugih visokih i srednjoškolskih obrazovnih institucija koji imaju neophodna akademska zvanja da se uključe u realizaciju nastave. Tako su u izvođenju nastave na ovom smjeru, ali i na ostala dva angažirani: dr. Šukrija Ramić, dr. Fuad Sedić, dr. Muharem Štulac, dr. hfz. Safvet Halilović, mr. Sead Seljubac, mr. Mustafa Prljača, mr. Osman Kozlić.

#### **DOKTORSKI I MAGISTARSKI RADOVI**

1. Mr. Nusret Isanović je 19. 9.2006. godine uspješno odbranio doktorski rad pod naslovom "Osobenost islamske umjetnosti i njen izraz u arhitekturi i kaligrafiji". Doktorski rad je odbranjen pred komisijom u sastavu: prof. dr. Adnan Silajdžić (predsjednik), prof. dr. Ibrahim Krzović (član), prof. dr. Rešid Hafizović (mentor i član) i doc. dr. Ismet Bušatlić (član).

2. Hfz. Muhamed Čajlaković je 5. 9. 2006. godine odbranio magistarski rad pod naslovom "Vakufska pitanja u fetvama savremenih šerijatskih pravnika". Magistarski rad je odbranjen pred komisijom u sastavu: doc. dr. Enes Ljevaković (predsjednik), prof. dr. Fikret Karčić (mentor i član) i doc. dr. Ismet Bušatlić (član).

**SPISAK DIPLOMIRANIH STUDENATA U 2006.  
GODINI**

- |   |  |
|---|--|
| 1. Hadžić (Asim) Ilham, 18. 1. 2006.        | 13. Arifović (Avdo) Abdullah, 22. 2. 2006. |
| 2. Orahovčić (Selim) Asim, 26. 1. 2006.     | 14. Muškić (Džemal) Sadija, 23. 2. 2006.   |
| 3. Duraković (Rajif) Aref, 27. 1. 2006.     | 15. Kadrić (Sulejman) Omer, 9. 3. 2006.    |
| 4. Aličković (Ismet) Lejla, 2. 2. 2006.     | 16. Kaldžija (Šefkija) Lejla, 9. 3. 2006.  |
| 5. Šako (Salih) Haris, 3. 2.2006.           | 17. Šećović (Zumber) Sead, 10. 3. 2006.    |
| 6. Salihović (Nezir) Mukerema, 7. 2. 2006.  | 18. Grbo (Rašid) Šida, 13. 3. 2006.        |
| 7. Omić (Sulejman) Senad, 9. 2. 2006.       | 19. Selić (Bahrija) Seudin, 30. 3. 2006.   |
| 8. Ramić (Azim) Selma, 9. 2.2006.           | 20. Ljubijankić (Abid) Adem, 30. 3. 2006.  |
| 9. Sejfić (Sabit) Midhat, 14. 2. 2006.      | 21. Velić (Meho) Ejub, 19. 4. 2006.        |
| 10. Hafizović (Muniz) Muhamed, 15. 2. 2006. | 22. Tokmić (Meho) Kemal, 20. 4. 2006.      |
| 11. Omerbegović (Fadil) Zijad, 16. 2. 2006. | 23. Kamber (Hasib) Dejan, 20. 4. 2006.     |
| 12. Karaman (Safet) Elmedin, 16. 2. 2006.   | 24. Begić (Hasib) Suad, 15. 5. 2006.       |

Mr. Mustafa HASANI i Firdevsa JELOVAC, Ljetopis Fakulteta 2006. godine

- |  |  |
|--|--|
| 25. Šahinović (Salih) Suad, 18. 5. 2006.     | 38. Selimović (Salih) Sanela, 27. 6. 2006.   |
| 26. Curić (Mujo) Sedina, 19. 5. 2006.        | 39. Kovačević (Zarif) Omer, 29. 6. 2006.     |
| 27. Halilović (Mustafa) Esmir, 29. 5. 2006.  | 40. Arnautalić (Ekrem) Mirsad, 13. 9. 2006.  |
| 28. Zilkić (Adem) Selma, 7. 6. 2006.         | 41. Čaušević (Mustafa) Dženan, 13. 9. 2006.  |
| 29. Hafizović (Mesud) Hišam, 9. 6. 2006.     | 42. Kaimović (Sejfo) Aida, 15. 9. 2006.      |
| 30. Zerdo (Rasim) Nermina, 9. 6. 2006.       | 43. Dautović (Safet) Meksudin, 18. 9. 2006.  |
| 31. Mazlami (Aliriza) Ejup, 12. 6. 2006.     | 44. Smajlović (Mustafa) Emir, 18. 9. 2006.   |
| 32. Aličić (Avdo) Elvedin, 12. 6. 2006.      | 45. Hadžić (Harun) Haris, 20. 9. 2006.       |
| 33. Trnčić (Jusuf) Mirsad, 12. 6. 2006.      | 46. Mehić (Fehim) Mustafa, 8. 11. 2006.      |
| 34. Botonjić (Hazim) Sabahudin, 14. 6. 2006. | 47. Karadži (Ajvaz) Elmir, 15. 11. 2006.     |
| 35. Omerbašić (Ibrahim) Edina, 21. 6. 2006.  | 48. Duraković (Sulejman) Sead, 15. 11. 2006. |
| 36. Premtić (Idriz) Seida, 23. 6. 2006.      | 49. Jusić (Alija) Muamer, 29. 11. 2006.      |
| 37. Alimi (Saduš) Ramije, 27. 6. 2006.       | 50. Šadić (Fuad) Rusmir, 29. 11. 2006.       |

51. Šečić (Nezir) Emir, 11. 12. 2006.      52. Hodović (Hamid) Abdulaziz, 12. 12. 2006.

**PROMOCIJA DIPLOMIRANIH STUDENATA,  
MAGISTARA I DOKTORA ISLAMSKIH NAUKA**

U srijedu 12. jula 2006. godine održana je svečanost u povodu promocije i podjele diploma svršenicima Fakulteta, magistrima i doktorima koji su svoja akademska zvanja stekli na FIN-u. Svečanost je upriličena u Velikom atriju Fakulteta islamskih nauka. Ukupno je promovirano:

- 49 profesora islamske teologije,
- 8 profesora islamske pedagogije,
- 2 magistra islamskih nauka i
- 1 doktor islamskih nauka.

Nakon pozdravnog obraćanja dekana Fakulteta prof. dr. Enesa Karića, prof. dr. Omer Nakičević i prof. dr. Jusuf Ramić, bivši dekani, uručili su diplome svršenicima Fakulteta.

Diplome magistara islamskih nauka uručene su: mr. Muharemu Dautoviću (oblast islamske kulture i civilizacije) i mr. Almiru Fatiću (oblast tefsira).

Reisu'l-ulema dr. Mustafa Cerić, prije svoga obraćanja, uručio je diplomu doktora islamskih nauka iz oblasti klasičnog arapskog jezika dr. Mustafi Jahiću. Na kraju svečanosti, hadži hafiz Ismet-ef. Spahić, naibu reis, proučio je dovu.



## **PRIZNANJA NASTAVNICIMA FAKULTETA**

### *Profesori emeritusi iz reda nastavnika FIN-a*

Na sjednici Senata Univerziteta u Sarajevu 8.11.2006. godine prof. dr. Omer Nakičević i prof. dr. Jusuf Ramić promovirani su u zvanje profesor emeritus. U čast ovih profesora, prvih s tim zvanjima iz reda nastavnika Fakulteta u povijesti ove institucije, čime je ujedno potvrđen akademski ugled Fakulteta, u amfiteatru FIN-a 12. 12. 2006. godine održana je prigodna svečanost.

Prisutnim gostima impresivne biografije prof. Nakičevića i prof. Ramića prezentirao je dekan FIN-a prof. dr. Enes Karić. U svojim obraćanjima profesori emeritusi su istakli važnosti nauke, vlastite borbe za dignitet nauke i znanja ali i važnost Fakulteta islamskih nauka u njihovim životima i u bošnjačkom biću. Svečanost je završena obraćanjem reisu-l-uleme prof. dr. Mustafe ef. Cerića koji je govorio o evidentnom napretku institucionalnog obrazovanja unutar Islamske zajednice, i da tog uspjeha ne bi bilo bez istinskog i predanog rada nastavnika tih institucija, poput rada prof. Nakičevića i prof. Ramića. Svečanosti je, pored nastavnika Fakulteta i velikog broja gostiju, prisustvovao i rektor Univerziteta u Sarajevu prof. dr. Faruk Čaklovića.

### *Priznanja profesorima E. Kariću, R. Hafizoviću i Dž. Latiću*

1. Rijaset IZ-e u BiH na svojoj redovnoj sjednici od 7.11. 2006. godine donio je odluku da dodijeli priznanje akademiku dr. Enesu Kariću za doprinos u promociji nauke islama i širenju ugleda IZ-e u Domovini i Svijetu, a povodom priznanja koje je dobio od Akademije nauka u Jordanu.

2. Rijaset IZ-e u BiH na svojoj redovnoj sjednici od 7.11. 2006. godine donio je odluku da dodijeli priznanje akademiku dr. Rešidu Hafizoviću za doprinos u promociji nauke islama i širenju ugleda IZ-e u Domovini i Svijetu, a povodom priznanja koje je dobio od Akademije nauka u Iranu.

3. U Bosanskom Petrovcu 19. 10. 2006. prof. dr. Džemaluddin Latiću dodijeljeno je priznanje "Skender Kulenović". Priznanje je dodijelio Organizacijski odbor Književne manifestacije "Dani Skendera Kulenovića" za književno djelo "Srebrenički inferno" u izdanju *Connectuma*, Sarajevo.

4. Rijaset IZ-e u BiH na svojoj redovnoj sjednici od 7.11. 2006. godine donio je odluku da dodijeli priznanje prof. dr. Džemaluddin Latiću za doprinos u promociji nauke islama i širenju ugleda IZ-e u Domovini i Svijetu, a povodom priznanja "Skender Kulenović" koje je dobio od Organizacijskog odbora Književne manifestacije "Dani Skendera Kulenovića".

## NAUČNI SKUPOVI

### *Međunarodni naučni skup o bioetici u Bosni i Hercegovini*

Pod pokroviteljstvom Rijaseta Islamske zajednice u BiH i Medicinske asocijacije BIMA u Bosni i Hercegovini, a u organizaciji Fakulteta islamskih nauka u Sarajevu i Medicinske asocijacije BIMA u BiH organiziran je međunarodni naučni skup o bioetici u Bosni i Hercegovini pod nazivom: "Bioetičke perspektive u današnjoj medicini". Skup je održan u amfiteatru Fakulteta u vremenu 21. – 22. april 2006. godine.

Mr. Mustafa HASANI i Firdevsa JELOVAC, Ljetopis Fakulteta 2006. godine

Skup su otvorili: Bakir Mehić, Enes Karić i reisu-l-ulema Mustafa Cerić. Tokom dvodnevnog trajanja skupa svoje stručne radove prezentirali su: Enes Karić, Bakir Mehić, Šukrija Ramić, Jusuf Žiga, Enes Ljevaković, Dževad Hodžić, Velimir Valjan, Gihane Alam (Egipat), Muhammed Khan izvjestilac Belma Gorali-ja, Feriha Čatibušić, Tomislav Jozić, Hajrija Maksić, Safvet Halilović, Iman al-Shal (Egipat).

#### *Naučni skup "Muslimani na Zapadu"*

Fakultet islamskih nauka u Sarajevu je bio domaćin višednevnoj posjeti delegaciji profesora Fakulteta šerijatskog prava i islamskih nauka Univerziteta u Kuvajtu predvođenih dekanom dr. Muhammedom Et-Tabatabajjem. Tim povodom 25. 5. 2006 u organizaciji oba fakulteta upriličen je naučni skup pod nazivom "Muslimani na Zapadu između tradicije i savremenosti".

Nakon pozdravnih obraćanja oba dekana ugledni gosti iz Kuvajta su na skupu podnijeli svoje izvještaja, i to: dr. Velid al-Ali, dr. Husejn es-Se'idi, dr. Velid el-Kenderi, dr. Adil ed-Dehmi, dr. Abdulaziz el-Muvata, dr. Najef el-Adžemi, dr. Rašid el-Umejri, dr. Asam el-Garib, dr. Bedr el-Maas, i dr. Halid el-Mezkur.

Dekani Fakulteta dr. Muhammed Abdurrezak es-Sejjid Ibrahim Et-Tabatabaji i prof. dr. Enes Karić su isti dan, u dekanatu Fakulteta, potpisali sporazum o akademskoj saradnji između ove dvije institucije.

#### *Smail Balić kao mislilac evropskog islama*

U Bošnjačkom institutu, u periodu 2 - 4. 11. 2006. godine, održan je međunarodni simpozij "Smail Balić kao mislilac evropskog islama". Organizatori su bili: Bošnjački institut – Fondacija Adila Zulfikarpašića, Ured Austrijske korporacija za

nauku, obrazovanje i kulturu, Pravni fakultet Univerziteta u Beču i Fakultet islamskih nauka Univerziteta u Sarajevu.

Simpozij su otvorili dr. Bernhard Stillfried, predsjednik Austrijske korporacije u Beču, i Adil-beg Zulfikarpašić. O liku i djelu u toku trodnevnog skupa govorili su: Teufik Velagić, prof. dr. Enes Karić, dr. Lise Abid i dr. Jameleddine Ben Abdeljelil, Institut za orijentalistiku, Univerzite u Beču, prof. dr. Fikret Karčić, dr. Esad Kurtović, prof. dr. Enes Pelidija, prof. dr. Zijad Šehić, mr. Alaga Dervišević, prof. dr. Ismet Bušatlić, dr. Salem Hadžić, nastavnik vjeronauke u Beču, dr. Salem Abdullah, direktor "Islamarchive Soest", Njemačka, Ibrahim Kajan, prof. dr. Rašid Durić, Institut za slavistiku, Ruhr Univerzitet Bohum, prof. dr. Susanne Heine, Protestantski teološki fakultet, Univerzitet u Beču, prof. dr. Salih Jalimam, dr. Jan Slomp, bivši predsjedavajući Islamskog komiteta konferencije Evropskih crkvi Holandija/Švicarska, prof. dr. Rešid Hafizović, mr. Nedžad Grabus i prof. dr. Richard Potz, Institut za pravnu filozofiju, religijsko i kulturno pravo, Univerzitet u Beču.

#### *Islam u Turskoj i misao Saida Nursija*

Fakultet islamskih nauka u saradnji s udruženjem "Nur" iz Turske bio je domaćin jednodnevnog međunarodnog kolokvija pod naslovom "Islam u Turskoj i misao Saida Nursija" održanog 23. 11. 2006. Izlaganja na ovom skupu podnijeli su: prof. dr. Oliver Leaman s Univerziteta Kentaki, Yunus A. Çengel, profesor mašinstva na Univerzitetu Nevada, dr Stephen J. Sidorak, protestantski svećenik aktivan u međuvjerskom dijalogu sa Jevrejima i muslimanima i u nastojanjima ljudi vjere u borbi za ukidanje nuklearnog oružja, prof. dr. Omer Nakičević, a završno izlaganje podnio je prof. dr. Džemaludin Latić.

## **SEMINARI I KURSEVI**

### **Diploma u islamskim naukama - četvrta generacija**

Fakultet islamskih nauka u Sarajevu već četvrti put organizira tromjesečni program pod nazivom Diploma u islamskim naukama (*Diploma in Islamic studies*).

Svršenici ovog ciklusa program su pohađali od 24. januara do 13. aprila 2006. godine, a imali su mogućnost nastavu slušati na bosanskome i engleskome jeziku.

U povodu uspješnog završetka ovog ciklusa 16. maja 2006. godine organizirana je svečana dodjela diploma i zajednička večera sa polaznicima kursa na engleskome jeziku. Prisutnima su se ovim povodom obratili prof. dr. Rešid Hafizović, direktor programa i prof. dr. Fikret Karčić, bivši direktor programa i predlagač ove ideje. Svečanosti je prisustvovao i reisu-l-ulema dr. Mustafa ef. Cerić koji se prisutnima obratio na engleskome jeziku.

Ove godine trideset i osam polaznika program je slušalo na engleskome jeziku, dok je četrnaest polaznika pratilo program na bosanskome jeziku. Od posebnog značaja je struktura polaznika. Imajući u vidu da je program namijenjen javnim djelatnicima, ove godine se spektar polaznika kretao u rasponu od uposlenika u ambasadama, NATO-u, EU-ovim i UN-ovim institucijama, do profesora na raznim univerzitetima iz SAD-a. Na bosanskome jeziku program su pohađali diplomirani pravnici, ekonomisti, žurnalisti, profesori engleskog i francuskog jezika, sadašnji i bivši državni funkcioneri i dr.

U realizaciji programa bili su uključeni: prof. dr. Rešid Hafizović, direktor i predavač, prof. dr. Enes Karić, dekan i

predavač, prof. dr. Jusuf Ramić, prof. dr. Džemal Latić, doc. dr. Ismet Bušatlić, doc. dr. Enes Ljevaković, mr. Aid Smajić, mr. Mustafa Hasani, mr. Orhan Bajraktarević, mr. Ahmet Alibašić (koordinator za grupu za engleski jezik) i mr. Almir Fatić (koordinator za bosanski jezik), ass. Nedim Begović, te administrativno osoblje.

### *Kursevi arapskoga jezika*

Fakultet islamskih nauka u Sarajevu već drugu godinu organizira kurseve arapskoga jezika. Predavači i realizatori kurseva su iz reda nastavnog osoblja Fakulteta i njegovi gosti iz arapskog svijeta: prof. dr. Jusuf Ramić, prof. dr. Mehmed Kico, direktor projekta, prof. dr. Abdulhadi Merzouk, prof. Sana Al-Adly, te mr. Amira Trnka i mr. Zehra Alispahić, koordinatori kursa.

Kurseve je uspješno okončalo 20 polaznika i to na tri nivoa: početnom, prvom i drugom konverzionom. Od početka decembra 2006. godine kurs početnog nivoa pohađa pet kandidata.

### **GOSTI NA FAKULTETU**

1. Sulejman Tihic, predsjednik Predsjedništva BiH, održao je 5. 1. 2006. godine predavanje o temi: "Aktualni politički trenutak u BiH sa posebnim osvrtom na ustavne promjene".

2. Ambasador Pakistana Shireen A. Moiz je 22. 2. 2006. godine održala predavanje o temi: "Spor oko Kašmira".

3. Dana 9. 3. 2006. godine na Fakultetu je predstavljena "Deklaracije evropskih muslimana". O Deklaraciji su govorili:

Mr. Mustafa HASANI i Firdevsa JELOVAC, Ljetopis Fakulteta 2006. godine

prof. dr. Fikret Karčić, prof. dr. Džemal Latić i reisu'l-ulema prof. dr. Mustafa ef. Cerić.

4. Prof. dr. Ferid Muhić je 11. 4. 2006. godine, u organizaciji FIN-a i Udruženja ilmijje, održao predavanje o temi: "Balkan u kontekstu nadolezećih EU integracija".

5. Dr. Joe Bishop, Fulbright profesor na FIN- u, održao je 18. 4. 2006. godine predavanje o temi: "Američki obrazovni sistem".

6. Dr. Ali Džuma Muhammed Abdulvehab, egipatski muftija, posjetio je Fakultet 18. 4. 2006. godine i održao predavanje o temi "Savremeni idžtihad i fetva".

7. Ajatolah Mizbah Jazbi, profesor na Fakultetu za filozofiju u Teheranu, 19. 4. 2006. godine održao je predavanje o temi "Odnos između razuma i Objave".

8. Načelnik općine Stari Grad gosp. Mustafa Resić i predsjedavajući vijeća Rizah Avdić posjetili su Fakultet 20. 4. 2006. godine. Tom prilikom su uručili donaciju u vrijednosti 10.000,00 KM za Izdavačku djelatnost FIN-a i Biblioteku.

9. Gospodin Amor Mašović održao je 23. 5. 2006. godine predavanje o temi: "Posljedice genocida u BiH" . Tom prilikom je otvorena izložba fotografija rahmetli Aćifa Hodovića "Dokumentarne fotografije".

10. Delegacija Katoličkog bogoslovnog fakulteta iz Zagreba u sastavu dekan prof. dr. Tomislav Zdenko Tenek, prof. dr. Božo Lujčić i tajnik Ivan Mehčić posjetili su FIN 31.5. 2006. godine. U razgovoru sa dekanom prof. dr. Enesom Karićem, prof. dr. Adnanom Silajdžićem, doc. dr. Isetom Bušatlićem i doc. dr. Enesom Ljevakovićem razmijenjena su iskustva iz nastavnog i naučnog procesa te je razgovarano o planovima buduće saradnje ove dvije

institucije. Susretu su prisustvovali i dekani Franjevačke teologije prof. dr. Ivan Šarčević i dekan Vrhbosanske katoličke teologije prof. dr. Marko Josipović.

11. Prof. dr. Džemal Hadžismajlović 7. 6. 2006. godine održao je predavanje o temi "Voda".

12. Prof. dr. Franjo Topić i studenti Vrhbosanska katoličke bogoslovije 8. 6. 2006. godine posjetili su Fakultet. U razgovoru sa profesorima i studentima upoznali su se sa načinom studiranja na FIN-u.

13. Posjeta austrijske ministrice za obrazovanje, nauku i kulturu Elizabeth Gehrler i suradnika 14. 6. 2006. god. Ministrica je upoznata sa historijom FIN-a kao i nastavno-naučnim procesom na FIN-u. Tom prilikom Ministrica se u Amfiteatru obratila nastavnicima i studentima Fakulteta.

14. U suradnji sa Naučno-istraživački institutom „Ibn Sina“ Fakultet je 20. 6. 2006. organizirao predavanje prof. dr. Hamida Algara o temi: "Gnosticizam i religijski pluralizam".

15. Nj. E. Ekmeledin Ihsanoglu, generalni sekretar Organizacije islamske konferencije (OIC) posjetio je FIN 28. 6. 2006.godine. U razgovoru sa članovima Nastavno-naučnog vijeća upoznao sa se odgojnoobrazovnim procesima na FIN-u. Ovom prilikom je Nj. E. Ihsanoglu obećao pomoć pri izgradnji Studentskog doma za studente FIN-a.

16. Muhammed Seid Ramadan el-Buti i Ihsan Kasim održali su 30. 8. 2006. predavanje o temi "Bediuzzaman Said Nursi: život i djelo".

17. Prof. dr. Sabira Husedžinović je 21. 9. 2006. godine je održala predavanje i ujedno predstavila svoju knjigu "Dokumenti opstanka", kao svojevrsno svjedočanstvo o genocidu i kulturocidu.



Mr. Mustafa HASANI i Firdevsa JELOVAC, Ljetopis Fakulteta 2006. godine

18. Prof. dr. John Voll održao je 10. 11. 2006. godine predavanje o temi: "Američki i evropski modeli integracije muslimana".

19. Akademik Muhammed Filipović održao je 20. 11. 2006. godine predavanje o temi "Islam u Bosni i bosanski islam".

20. U saradnji sa britanskom Ambasdom 22.11.2006. godine održano je predavanje i diskusija o temi: "Islam u Evropi". O temi su govorili Fareena Alam (novinar "Q-News"), Dilwar Hussain ("Islamic Foundation"), Saif Ahmed ("Muslim Aid"), Abdullah Faliq ("East London Mosque").

21. U petak 24. 11. 2006. Fakultet je bio domaćin grupi studenata sa bečkog Univerziteta u okviru njihove desetodnevne ekskurzije po Bosni i Hercegovini. Organizator i vođa ekskurzije bila je prof. dr. Liselotte Abid, predavač na Institutu za orijentalne studije na bečkom Univerzitetu. Kršćanska teologija, Sociologija, Političke znanosti, Orijentalne i islamske studije su fakulteti, odnosno instituti, sa kojih su studenti došli u Bosnu i Hercegovinu.

22. Književnik Vidosav Stevanović održao je 6. 12. 2006. godine predavanje o temi: "Rat i umjetnost".

23. U organizaciji USFIN-a 23. 12. 2006. godine održan je okrugli sto o temi "Smisao žrtve" povodom obilježavanja Kurbanbajrama. Učesnici okruglog stola bili su učenici četrnaest srednjih škola sa teritorije BiH, profesori i studenti FIN-a, a na završnoj sesiji prisutnima su se obratili gosp. Sulejman Tihić, predsjednik SDA-a, i Muharem-ef. Omerdić, izaslanik reisu'l-uleme.

24. Prof. dr. Faris Gavrankapetanović održao je 28.12. 2006. godine predavanje na temu: "Zdravstvena kultura Bošnjaka".

## PROMOCIJE KNJIGA

1. Promocija knjige doc. dr. hfz. Fadila Fazlića "Hafizi u BiH u posljednjih 150. godina" održana je 06.11.2006. godine u atriju FIN-a. Knjigu su promovirali: prof. dr. Omer Nakičević, doc. dr. Ismet Bušatlić, dr. Hilmo Neimarlija, doc. dr. hfz. Safvet Halilović, hfz. Behija Durmišević i doc. dr. hfz. Fadil Fazlić.

2. U suradnji sa El-Kalemom, Izdavačkim centrom Rijaseta IZ u BiH, Fakultet je 15. 11. 2006. godine organizirao promociju djela "Husein Đozo - Izabrana djela". O djelu i liku H. Đoze govorili su: prof. dr. Rešid Hafizović, prof. dr. Adnan Silajdžić, prof. dr. Fikret Karčić, dr. Hilmo Neimarlija i doc. dr. Ismet Bušatlić. U sklopu godišnje manifestacije Dani općine Tešanj, 11. 12. 2006. godine, održana je promocija ovih djela. Promotori su bili: prof. dr. Enes Karić, prof. dr. Fikret Karčić, dr. Hilmo Neimarlija. I u Travniku 22. 12. 2006. u atriju Elči Ibrahim-pašine medrese održana je promocija ovih djela gdje su pored prethodno tri navedena promotora, učestvovali i doc. dr. Ismet Bušatlić i mr. Mustafa Prljača.

3. Promocija romana književnika Nedžada Ibrišimovića "Vječnik" održana je 22.11. 2006. godine u atriju Fakulteta. O romanu su govorili: prof. dr. Fahrudin Rizvanbegović, prof. dr. Džemal Latić i autor Nedžad Ibrišimović.

4. U suradnji sa Kulturnim centrom Ambasade Islamske republike Irana FIN je organizirao promociju knjige "Divan" Imama Homeinija koja je održana 29.11. 2006. godine u atriju FIN-a. O knjizi su govorili: nj. e. Muhamed Reza Muršid-zade, ambasador Islamske republike Iran, akademik Rešid Hafizović, prof. dr. Džemal Latić i dr. Mubina Moker.

Mr. Mustafa HASANI i Firdevsa JELOVAC, Ljetopis Fakulteta 2006. godine

## **SARADNJA FIN-A SA DRUGIM AKADEMSKIM USTANOVAMA**

*Saradnja visokoškolskih ustanova Islamske  
zajednice*

Dana 22. 6. 2006. godine na Fakultetu je potpisan Ugovor o nastavno-naučnoj i naučnoistraživačkoj saradnji između Fakulteta islamskih nauka u Sarajevu, Islamskog pedagoškog fakulteta u Zenici i Islamske pagagoške akademije u Bihaću. Ugovor su potpisali dekani: prof. dr. Enes Karić, doc. dr. Šukrija Ramić i prof. dr. Fuad Sedić.

Ugovorom je precizirano da će se nastavno-naučna i naučno-istraživačka saradnja odvijati u vidu:

- a) razmjene nastavnika i saradnika, na dodiplomskom i postdiplomskom studiju,
- b) učešća nastavnika u radu komisija koje se imenuju u postupku sticanja naučnog stepena magistra i doktora nauka, kao i komisija za izbor nastavnika i saradnika,
- c) harmonizacije nastavnih planova i programa,
- d) razmjene iskustava u vezi organizacije i izvođenja nastave,
- e) zajedničkog izvođenja naučno-istraživačkih projekata i
- f) drugih oblika za koje pokazu interes potpisnici Ugovora.

*Sporazum o suradnji sa Bečkim univerzitetom i  
Pravnim fakultetom u Sarajevu*

Dekan FIN-a prof. dr. Enes Karić je 4.11. 2006. godine u ime FIN-a potpisao sporazum o saradnji na polju nauke, istraživanja i obrazovanja sa dekanima pravnih fakulteta sarajevskog i bečkog

univerziteta prof. dr. Fuadom Saltagom i prof. dr. Hajncom Majerom (Heinz Mayer).

Planirano je da ove tri institucije organiziraju zajedničke istraživačko-razvojne projekte od regionalnog i internacionalnog značaja uz finansijsku podršku EU i drugih institucija i organizacija. Planirano je da se u saradnju uključe sudovi, advokatske i privredne komore, te državni, gradski i kantonalni organi uprave, kao i privredna poduzeća u oba univerzitetska centra.

**IZDANJA FAKULTETA ISLAMSKIH NAUKA  
PUBLIKOVANA TOKOM 2006. GODINE**

1. Neimarlija Hilmo, *Religija i društvo* - Hrestomatija
2. Neimarlija Hilmo, *Filozofija povijesti* - Hrestomatija
3. Fatić Almir, *Tefsirski tekstovi I* - Hrestomatija
4. Hafizović Rešid, *Suvremene akadske teme II* — Hrestomatija
5. Šukrić Nijaz, *Organizacija i oblici vjerskoprosvjetojnog života muslimana Bosne i Hercegovine 1945-1976. god.*
6. Dizdarević Murat, *Fosterova romaneskna teorija i praksa*
7. Wail b. Hallaq, *Zatvaranje vrata idžtihada*, preveo Smajić Aid
8. Hafizović Rešid, *Imanski šarti u svjetlu klasičnog muslimanskog mišljenja*
9. Silajdžić Adnan, *Muslimani u traganju za identitetom*
10. Dževad Hodžić i dr., *Brošura (prospekt) FIN-a u Sarajevu*

Mr. Mustafa HASANI i Firdevsa JELOVAC, Ljetopis Fakulteta 2006. godine

11. Hfz. Fazlić Fadil, *Hafizi u BiH u posljednjih 150 godina*
12. Kico Mehmed, *Pogledi na život i djelo Nedžiba Mahfuza*
13. Ekmeleddin Ihsanoglu, *Osmanlije i nauka*, suizdavač El-Kalem – Izdavački centar Rijasetu IZ u BiH
14. *Husein Dozo – Izabrana djela*, suizdavač El-Kalem – Izdavački centar Rijasetu IZ u BiH

#### STIPENDIJE U AKADEMSKOJ 2006/07. GODINI

*Stipendije u akademskoj 2006/07. godini - djeca šehida i dr.*

R. br.	Stipendista	Stipenditor
1	Alić Resul	Fakultet islamskih nauka u Sarajevu
2	Brčić Maida	Smajo Turjačanin
3	Drkić Abdulaziz	IZ Bošnjaka Washington
4	Fetić Sumeja	Namik Hrle
5	Gabeljić Rejha	Hfz. Senad-ef. Podojak
6	Krehmić Sabiha	Sabrija Vatreš-Gljiva Hasib
7	Selimović Naza	Mešihat Australija
8	Smajić Izudin	Selimanjin Musa
9	Šaptafi Medjen	Ahmed-ef. Cerić – Islamic Community of Bosniaks Florida

10	Šemić Enesa	Haris Trokić - Islamic Community of Bosniaks Florida
11	Tursunović Nedžma	Sabrija Vatreš

*Stipendije za USFIN (Udruženje studenata Fakulteta islamskih nauka u Sarajevu)*

R. br.	Stipendista	Stipenditor
1	Ćeman Emina	Steven Schwartz-Centar za islamski pluralizam
2	Đerzić Mirsad	Petrit i Ajla Alimi
3	Fazlović Muhamed	Steven Schwartz-Centar za islamski pluralizam
4	Okić Muhamed	Steven Schwartz-Centar za islamski pluralizam
5	Sultanović Adis	Steven Schwartz-Centar za islamski pluralizam
6	Turulja Emira	Džemal Hadžismajlović i prijatelji - Mešihat Australija

*Stipendije za demonstratore na predmetu Kiraet*

R. br.	Stipendista	Stipenditor
1	Hfz. Midhat Sejfić	Mešihat Australija

Mr. Mustafa HASANI i Firdevsa JELOVAC, Ljetopis Fakulteta 2006. godine

2	Velić Fatima	Džemal Hadžismajlović i prijatelji
---	--------------	---------------------------------------

*Stipendije za učenike generacije-studente I  
godine*

R.br.	Stipendista	Stipenditor
1	Durić Amir	Bošnjački džemat- Philadelphia Metropolitan Area
2	Hadžić Azra	Bošnjački džemat- Philadelphia Metropolitan Area -
3	Topalović Neđad	Bošnjački džemat- Philadelphia Metropolitan Area -

*Biblioteka i čitaonica FIN-a*

R.br.	Stipendista	Stipenditor
1	Ćelam Dženana	Fakultet islamskih nauka u Sarajevu
2	Drinić Emira	FDS – gosp. Šefik Lojo
3	Kokanović Lejla	FDS – gosp. Šefik Lojo
4	Mulić Elbasa	FDS – gosp. Šefik Lojo
5	Omerbegović Sumeja	FDS – gosp. Šefik Lojo
6	Tutić Amela	Fakultet islamskih nauka u Sarajevu

*Stipendije –Internet klub*

R.br.	Stipendista	Stipenditor
1	Botonjić Nermin	Fakultet islamskih nauka u Sarajevu
2	Čaušević Armin	Džemat u Čikagu
3	Kulanić Ahmet	Fakultet islamskih nauka u Sarajevu

*Stipendije studenti- imami u Studentskim domovima*

R. br.	Stipendista	Stipenditor
1	Delić Rijad	Mešihat Australija
2	Isaković Mustafa	Bašić Meliha-Općina Stari Grad- Knjižara "Nur"
3	Jusufi Azmir	Džemal Hadžismajlović i prijatelji
4	Rezaković Dženan	Džemal Hadžismajlović i prijatelji
5	Šabić Smajo	Općina Stari Grad
6	Vehabović Nedžad	Miftari Adem

*Imam i mujezin na FIN-a*

R. br.	Stipendista	Stipenditor
1	Kadrić Edin	Fakultet islamskih nauka u Sarajevu
2	Spahić Muhedin	Fakultet islamskih nauka u Sarajevu



Mr. Mustafa HASANI i Firdevsa JELOVAC, Ljetopis Fakulteta 2006. godine

*Stipendije Fonda "Bošnjaci"*

Stipendije za nekoliko naših studenata osigurao je i Fond "Bošnjaci". Fond za djelatnost obrazovanja, nauke, kulture, ekonomske, finansijske i socijalne sigurnosti Bošnjaka "Bošnjaci" egzistira kao neprofitabilna organizacija od 25.11.1997. godine. Osnivač Fonda je Vakufska direkcija sa sjedištem u Sarajevu. Stipendije su dodijeljene slijedećim studentima:

1. Hašarić Smail	2. Suljkanović Admira
3. Koluh Alem	4. Tutić Lejla

*Stipendije Fondacije "Gazi Husrev-beg"*

Islamska zajednica u Njemačkoj je iz svoje fondacije "Gazi Husrev-beg" osigurala jednogodišnje stipendije za nekoliko naših studenata. Stipendisti u 2006/07. godini su:

1. Halilović Isad	2. Hodo Sanela
3. Hasanović Bego	4. Kerla Mensur

Zahvaljujemo se u ime studenta Mustafa-ef. Klanci i Omer-ef. Sarajliću, a posebnu zahvalnost dugujemo džematlijama IZ Njemačke.

*Jednokratne stipendije za uređivanje lista "Mlađak"*

R. br.	Stipendista	Stipenditor
1	Ćeman Emina	Hrle Namik
2	Drinić Emira	Miftari Adem

3	Fazlović Muhamed	Mešihat Australija
4	Sultanović Adis	Mešihat Australija

*Socijalne stipendije u akad. 2006./07.godine*

Na osnovu prijava i dostavljene dokumentacije Komisija za dodjelu stipendija je sredstva koja je osigurao dr. Senad-ef. Agić u Čikagu raspodijelila kako slijedi:

R. br.	STIPENDISTA	Godina studija	STIPENDITOR
1.	Ajvazi Džulzada	II	Hajdar Šabović
2.	Aličić Sara	II	Hajdar Šabović
3.	Begić Sabina	I	Sulejman Čosović
4.	Bešić Harun	I	Tarik Bilalbegović
5.	Delić Mersed	II	Amina i Dino Smajlović
6.	Džaferhodžić Emina	II	Charles Siwinski
7.	Granulo Nihad	I	Admir i Mirsa Duratović
8.	Habibović Enes	III	Emira i Rašid Ovčina
9.	Hajdarević Šefika	IV	Vehid i Mahira Šuvalija
10.	Hasanović Merjem	IV	Mirsad Kadunić
11.	Hodžić Amela	IV	Nadeem Beg
12.	Hodžić Enisa	III	Faruk Užičanin
13.	Hrnjić Mevludin	I	Selim Šabović
14.	Hrustić Ahmed	I	H. Hajra Okić
15.	Imamović Rijad	I	Azra i Alija Hubijer

Mr. Mustafa HASANI i Firdevsa JELOVAC, Ljetopis Fakulteta 2006. godine

16.	Jahić Anesa	II	Zijad i Behrija Kuduzović
17.	Jandrić Maida	IV	Edin i Indira Ivojević
18.	Kazagić Azra	I	Amr i Dina Abdelmonem
19.	Klapić Nermin	III	Alvir Salčinović
20.	Kusur Aldin	III	Hajdar Šabović
21.	Kusur Senad	IV	(sredstva od 14 stipenditora)
22.	Ljevo Lejla	II	Muharem Selimagić
23.	Muminović Samir	II	H. Nusret Kekić
24.	Muratović Adnan	IV	Sanija Čubić
25.	Nasić Alma	I	Zlata i Suad Paratušić
26.	Nurikić Semira	IV	Jasmin Čabrić
27.	Oruč Amir	I	Sydney Siwinski
28.	Osmanović Adis	I	Senad-ef. i Nadira Agić
29.	Salihović Semir	I	Nisvet Bašić
30.	Sirčić Elma	III	Falah Tabahi
31.	Smajić Samra	II	Hajdar Šabović
32.	Strika Sejid	II	Hajdar Šabović
33.	Zahirović Edin	II	Zlatko Brkić

Fakultet islamskih nauka u Sarajevu iz svojih vanbudžetskih sredstava dodijelio je stipendiju Pirić Amini, učenici osnovne škole. Imenovana je kćerka Rabije Pirić, službenice FIN-a, koja je iz zdravstvenih razloga ranije penzionisana.

*Sekcija hifza - jednokratne stipendije*

Red. br.	Stipendista	God. studija	Stipenditor
1.	Čaušević Armin	III	Pobrić Razija
2.	Durić Amir	I	Pobrić Razija
3.	Dogan Lejla	I	AMELŠEH-Velika Kladuša
4.	Ganić Ferid	I	AMELŠEH-Velika Kladuša
5.	Gobeljić Saudin	II	Mehičević Refika
6.	Hasanović Emir	II	Fazlić Sabaheta
7.	Hodžić Amela	IV	Karić Ajša
8.	Ljatif Amina	I	Fazlić Sabaheta

*"Dekanova lista"*

"Dekanova lista" je godišnja nagrada za studente koji su u toku akademske godine ostvarili prosjek iznad 9,00. Nakon hafiske dove hfz. Sumeje Ljevaković, studentice Fakulteta, održane 15. 12. 2006. godine u Velikom atriju Fakulteta dekan prof. dr. Enes Karić je studentima sa najboljim prosjekom ocjena ostvarenim u akademskoj 2005/2006. godini dodijelio nagrade.

Nagrađeno je ukupno osam studenta, i to:

1. **Lejla Tutić**, III godina, prosjek 9,00
2. **Muhamed Fazlović**, II godina, prosjek 9,19
3. **Emina Ćeman**, II godina, prosjek 9,28
4. **Mensur Kerla**, II godina, prosjek 9,31

Mr. Mustafa HASANI i Firdevsa JELOVAC, Ljetopis Fakulteta 2006. godine

5. **Abdulaziz Drkić**, II godina, prosjek 9,35
6. **Fatima Velić**, I godina, prosjek 9,57
7. **Sumeja Ljevaković**, I godina, prosjek 9,93
8. **Fadilj Maljoki**, I godina, prosjek 10,00

#### **RAMAZANSKE AKTIVNOSTI NASTAVNIKA FIN-A 1427. H./2006. GODINE**

##### *Iftari na Fakultetu*

Uprava Fakulteta je i ovog ramazana upriličila iftare za uposlenike i prijatelje Fakulteta. Pored, već tradicionalnog iftara za nastavnike i uposlenike Fakulteta, održanog 12. 10. 2006., te goste Fakulteta koji je održan 4. 10. 2006., ove godine upriličena su i dva iftara za žene. Prvi iftar je bio za muslimanke iz javnog, kulturnog i akademskog života grada održan 28. 9. 2006., a drugi 19. 10. 2006. za uposlenice i supruge nastavnika Fakulteta.

Treba napomenuti da je Fakultet cijelo vrijeme ramazana radio i da su nastavnici i osoblje obavljali svoje poslove izuzev izvođenja nastave. Naime, studenti i studentice bili su angažirani u ramazanskim aktivnostima pri medžlisima IZ u Zemlji i inostranstvu, što im se ubraja u praktičnu nastavu. Za to vrijeme, nastavnici su pored poslova na Fakultetu imali svoje dodatne ramazanske angažmane. Navodimo sljedeće:

PROF. DR. ENES KARIĆ, DEKAN FAKULTETA

##### **I Medijski angažman**

1. NTV HAYAT, više emisija o aktuelnim pitanjima muslimanskog svijeta
2. Oslobođenje, intervju za Bajram.

## **II Ostale aktivnosti**

1. Tokom mjeseca ramazana bio dežurni na Fakultetu.

PROF. DR. JUSUF RAMIĆ

### **I Medijski angažman**

1. NTV Hayat - Bajramska emisija, Kasidei Burda

PROF. DR. REŠID HAFIZOVIĆ

### **I Medijski angažman**

1. NTV Hayat, ramazanski program
2. FTV, "Centralni zatvor" kod Jadranka Katane - prvi dan Bajrama
3. BHT 1, Jutarnji bajramski program - drugi dan Bajrama
4. BH radio 1, intervju sa novinarkom Samrom Duranović- drugi dan bajrama navečer
5. U magazinu "Dani" objavio tekst pod naslovom: "Koje dobro će papa Benedikt XVI donijeti "kršćanskoj Europi?", kao odgovor na uvredljivi govor rečenoga pape kojeg je održao u Njemačkoj pred nekoliko hiljada univerzitetskih radnika.

DR. ISMET BUŠATLIĆ

### **I Medijski angažman**

1. BHT1: O ramazanskoj tradiciji  
O Fakultetu /emisija "Duhovni mostovi/  
Bajramski prilog
2. TV Mostar, Prilog o ulozi Mostara i doprinosu Mostaraca u razvoju islamskih znanosti

### **II Predavanja**

1. Džemat Dobrinje - Medžlis IZ-e Gračanica kod Visokog
2. U mesdžidu Džemata Trolhetan (Švedska)
3. Gazi Husrev-begova džamija u Sarajevu, 29. noć ramazana

DR. ENES LJEVAKOVIĆ

### **I Medijski angažman**

Mr. Mustafa HASANI i Firdevsa JELOVAC, Ljetopis Fakulteta 2006. godine

1. NTV HAYAT - Ramazanski program - Lejletul-kadr
2. TV ALFA - Ramazanski program - Lejletul-kadr
3. BHT 1 - Lejletul-Bedr

#### **II Predavanja**

1. Begova džamija u Sarajevu - 12. ramazan
2. Istiklal džamija u Sarajevu - 13. ramazan
3. Adil-begova džamija u Sarajevu - 27. ramazan
4. Džamija "Princ Abdullah" u Tuzli - 14. ramazan
5. Ensar džamija u Zenici - 15. ramazan

DR. HFZ. FADIL FAZLIĆ

#### **I Medijski angažman**

1. NTV Hayat, Ramazanski program - Molitva, obredi, etika, 27. i 28. septembra 2006. godine. Prilozi su reprizirani 28. i 29. septembra.
2. Radio Federacije BiH, Islamske teme - Značaj Lejletu-l- kadra, - Hafizi u Bosni i Hercegovini, 18. oktobar 2006. godine.

#### **II Predavanja**

1. Gazi Husrev-begova džamija, 29. septembra 2006. godine.

#### **III Ostale aktivnosti – mukabela**

1. Gazi Husrev-begova džamija, dnevna (predikindijska) i sehurska mukabela.

DR. DŽEMAL LATIĆ

#### **I Medijski angažman**

1. NTV Hayat, Prevođenje i tumačenje Kur`ana
2. BHT 1, Međunarodni odnosi u Kur`anu
3. TV Mostar, Ilahije i kaside
4. TV SA, Ilahije i kaside

#### **II Predavanja u džamijama**

1. Gazi Husrev-begova džamija
2. Zavidovići
3. Novi Šeher

4. Banja Luka
5. Zabrdže, Sarajevo

### **III Ostale aktivnosti**

1. Omladinsko sijelo u Istiklal džamiji, Sarajevo

DOC. DR. ZUHDIJA HASANOVIĆ

#### **I Medijski angažman**

1. BHT1, Mozaik religija, – Lejletul-kadr
1. TV Hayat, U susret iftaru - Brak i porodica u islamu
2. TV Alfa – Lejletul-kadr i Teravih-namaz
3. TV Bugojno – prediftarski program

#### **II Predavanja**

1. Istiklal 27. 9. (srijeda)
2. Teslić 1. 10 (poslije teravih-namaza)
3. Careva džamiji 5.10. (četvrtak)
4. Studentski domovi Nedžarići 9.10. (ponedjeljak o lejletul-bedru)
5. Studentski domovi Bjelave 13.10. (petak)
6. Duvno 15. 10. (poslije teravih-namaza)
7. Bugojno 16. 10. (poslije podne namaza)
8. Jajce 16. 10. (poslije teravih-namaza)

MR. MUSTAFA HASANI

#### **I Medijski angažman**

1. BHT 1, prediftarska emisija – Fidja
2. TV Alfa, tri prediftarske emisije – Zekat, Propisi o postu, Sadekatu`l-fitr

#### **II Predavanja u džamijama**

1. Džamija Budakovići – 22. 9. 2006.
2. Careva džamija – 23. 9. 2006.
3. Džamija Bardakčije – 24. 9. 2006.
4. Džamija u Vogošći – 26. 9. 2006.
5. Džamija na Čengić Vili – 27. 9. 2006.



Mr. Mustafa HASANI i Firdevsa JELOVAC, Ljetopis Fakulteta 2006. godine

6. Džamija u Sokolović Koloniji – 28. 9. 2006.
7. Teslić, džamija - 1. 10. 2006.
8. Posjeta Mešihatu IZ u R Sloveniji 3.10.-16.10.2006. Ukupno posjećeno šesnaest Odbora IZ.

MR. AHMET ALIBAŠIĆ

**I Medijski angažman**

1. TV Mostar
2. TVSA - Lejletu`l-kadr

**II Predavanja / tribine**

1. Kakanj
2. Janja
3. Grivići
4. Džamija Prnjavor na Bajram namaz, Kalesija

MR. HFZ. DŽEVAD ŠOŠIĆ

**I Medijski angažman:**

1. Učestvovao u organizaciji ramazanskog takmičenja u učenju Kur`ana sa predstavnikom radija Alfa za dvadeset i sedmu noć i bio član ocjenjivačkog žirija.

**II Predavanja**

1. U džamiji Kralj Fahd održao predavanja skoro svaku drugu noć, uključujući odabrane noći – Lejletu`l-Bedr i Lejleletu`l-kadr.

**III Ostale aktivnosti**

1. Sabahsku mukabela u džamiji Kralj Fahd, a ikindijska u Begovoj džamiji. U džamiji Kralj Fahd, gdje je stalni imam, klanjao teravih-namaze, a u posljednjoj trećini ramazana i noćne namaze u neparnim noćima.

MR. HFZ. AID SMAJIĆ

**I Mukabela**

1. Podnevna mukabela u Bakijskoj džamiji, Sarajevo

MR. ALMIR FATIĆ

**I Medijski nastupi**

1. Radio Federacije
2. TV Alfa
3. NTV Hayat

**II Predavanja**

1. Sejjar-vaiz za područje Islamske zajednice Bošnjaka u Austriji u drugoj polovini mjeseca ramazana

MR. SAMIR BEGLEROVIĆ

**I Mukabela**

1. Sabahska i ikindijska mukabela u džamiji Dajanli hadži Ibrahima, Gorica

MR. ZEHRA ALISPAHIĆ

**I Medijski angažman**

1. Kao urednik vjerskog programa Radija Federacije Bosne i Hercegovine priredila 900 minuta programa emitiranog u predsehursko i prediftarsko vrijeme. Emisije su trajale po dvadeset minuta u predsehurskom vremenu i po deset minuta u prediftarskom vremenu. Uz kur`anske sadržaje i prijevod emisije su sadržavale i dva elementa. Prvi dio nosi naslov: *U ramazanu je lijepo....* U okviru ovog dijela snimila je s mr. Almirom Fatićem dvadeset i jedan prilog u trajanju od po tri minuta. Ostali priloci snimljeni su sa mladim sarajevskim imamima. Drugi segment je nosio naslov: *Hafizi – prvaci među vjernicima*. U okviru ovog dijela promovirala je knjigu dr. hfz. Fadila Fazlića "Hafizi u BiH u posljednjih 150 godina", koja je publicirana u izdanju Fakulteta islamskih nauka i El Kalema. Dati su portreti četrdeset hafiza.
2. U dvije specijalne emisije od po šezdeset minuta koje su bile otvorenog tipa – u povodu Lejletu`l- Bedra gost je bio dr. Enes Ljevaković i u povodu Lejletu`l Kadra gost je bio dr. hfz. Fadil Fazlić.

Mr. Mustafa HASANI i Firdevsa JELOVAC, Ljetopis Fakulteta 2006. godine

## **II Predavanja**

1. Gradska -džamija u Žepču, predavanje za žene, o temi "Tjelesna i duhovna čistoća".

ASS. MUJESIRA ZIMIĆ-GLJIVA

### **I Medijski angažman**

2. TV Hayat, U susret iftaru - Položaj žene u islamu
3. RTV Vogošća, TV Zehra - Ramazanske poruke - povodom završetka ramazan-i-šerifa.

ASS. KENAN MUSIĆ

### **I Medijski angažman**

1. BHT1, Mozaik religija, – Bitka na Bedru
2. Kantonalna televizija Goražde - četiri prediftarske emisije

## **II Predavanja**

1. Hrasno džamija 26.09. (utorak 4. ramazan)
2. Careva džamiji 27.09. (srijeda 5. ramazan)
3. Istiklal 3.10. (utorak 11. ramazan)
4. Hrasno džamija 3.10. (utorak 11. ramazan)
5. Studentski domovi Nedžarići 9.10. (ponedjeljak 17. ramazan)
6. Studentski domovi Bjelave 13.10. (petak 21. ramazan)
7. Ferhadija 18.10. (srijeda 26. ramazan) predavanje i noćni namaz.

## VANNASTAVNE AKTIVNOSTI

### *Radovi na objektu Fakulteta*

#### *Natkrivanje atrija*

Na osnovu Zaključaka Vlade Kantona Sarajevo od 7. 4. 2005. godine FIN-u odobrena su sredstva u iznosu 150.000,00KM iz budžeta Kantona Sarajevo sa pozicije Ministarstva obrazovanja i nauke za sufinansiranje radova na pokrivanju dva atrija u krugu Fakulteta. Na osnovu spomenutog Zaključka Ministarstvo i Fakultet zaključili su dana 25.05. 2005. godine Sporazum o međusobnim odnosima u vezi sufinansiranjem radova na pokrivanju dva atrija. U 2006. godini završeni su radovi na natkrivanju atrija, koji su pored krovne konstrukcije uključivali i radove na klimatizaciji prostora, doradu grijanja i drugo. Sa ovim Fakultet je, ali i Grad dobio reprezentativan prostor. Ovu činjenicu potvrđuje veliki broj svečanosti, skupova koji su se do sada održali u Velikom atriju, bez obzira na vremenske uvjete van zgrade, kao i studentsko učenje i druženje "pod vedrim nebom" malog atrija.

#### *Sanacija krova Fakulteta*

Donacijama Kantona Sarajevo i Grada Sarajevo izvršena je neophodna sanacija krova Fakulteta i zamjena crijepa.

#### *Osposobljavanje učionica popratne zgrade*

Pokretanje Smjera za imame, hatibe i muallime nužno je zahtijevalo povećanje broja predavaona. Zbog toga su dvije učionice renovirane, a otvorena su i dva nova kabineta za nastavnike, odnosno saradnike Fakulteta.

### ***Briga za ishranu studenata***

#### *Podjela kurbanskog mesa za studente FIN-a*

U februaru 2006. u prostorijama Fakulteta je izvršena podjela osušenog kurbanskog mesa studentima Fakulteta. Uprava Fakulteta je uspjela da ugovori sa upravom Gazi Husrev-begove medrese u Sarajevu da se dio kurbana uplaćenih u Medresi dodijeli za ishranu studenata Fakulteta. Preradu mesa, na opće zadovoljstvo, kako kvalitetno urađenim poslom tako i razumijevanjem menadžmenta za potrebe studenata i Fakulteta, izvršila je Mesna industrija OVAKO. S obzirom na ograničene smještajne kapacitete suho meso i sudžuka su podijeljeni studentima.

Uvidjevši potpunu opravdanost ovog angažmana uprava Fakulteta je i ovog Kurban-bajrama sprovela gotovo identičan projekat sa istim akterima s tim da je povećana količina kurbanskog mesa. Ovu priliku koristimo da se zahvalimo Gazi Husrev-begovoj medresi, Mesnoj industriji OVAKO i svima koji su pomogli studente i Fakultet u realizaciji ovog hajirli posla.

#### *Ručak za studente*

Premda postojeća kuhinja na Fakultetu po svom kapacitetu odgovara običnoj porodičnoj kuhinji uprava Fakulteta je eksperimentalno početkom 2006. godine pokrenula projekat "besplatan ručak za studente". U ovaj projekat se krenulo sa namjerom da se studentima omogući makar jedan besplatan obrok, a za dobar dio njih to im predstavlja jedini kuhani obrok u toku dana. Iako se raspolaže ograničenim kapacitetima u tehnicu i ljudstvu, uspijeva se spremati oko stotinu obroka. Početni rezultati i zadovoljstvo studenata bio je pokazatelj i podstrek upravi Fakulteta da sa početkom nastave akademske 2006/2007. godine pokrene ponovo

ovaj projekat. Očekuje se da će se sa ovim projektom moći nastaviti do izgradnje Studentskog doma za naše studente pri kojem će svakako raditi i restoran sa adekvatnim tehničkim i kuhinjskim kapacitetima. Ove aktivnosti su do sada uspješno realizirane zahvaljujući pomoći i razumijevanju: Uprave Gazi Husrev-begove medrese, Mesne industrije OVAKO, kao i brojnim prijateljima Fakulteta iz zemlje i inostranstva koji su svoje donacije, kurbane i akike uplaćivali na račun za ishranu studenata.

(Mr. Mustafa Hasani i Firdevsa Jelovac, Ljetopis Fakulteta 2006. godine, *Zbornik radova FIN-a*, XXIV, Sarajevo, 2006, br. 11, str. 177-212.)